



LATSISÖBRALIGU VÖRO HÄÄ TAHITÖ KOGOKUNDLIK KOKKOLEPMINE

Võro liina latsi ja nuurisõbralikkust pantas tähele joba pikkä aigu. Võro liin om kitnū asotuisi ja inemiisi, kia' omma' avitanu' üten latsi, nuuri ja näide perride hääle olõmisõlõ. Tahami, et Võro olõs ka edespite liin, kon:

- röömsit latsi kasvatasõ' eloga rahul täusinemise' – vanõmba', vanavanõmba', oppaja' ja huulva kogokund,
- latsisõbralikkust om nätä' kõgõpäält liinaelänige egäpäävätsen elon ja ilolidsõn, umma kiilt ja kultuuri avvu seen hoitvan keskkunnan,
- tegüsä' noorõ' saava' 21. aastasaa tehnoloogiliidsi võimaluisi abiga täude viiä' ummi unistuisi.

Esi huviliidsi seltskundõga arotadõn saimi arvo, et Võro latsi- ja nuurisõbralikkus om nätä' nelän tähtsän asjan. Soovimi, et ka edespite olõssi Võrol

- turvalinõ liinaruum nii füüsillidelt ku vaimlidsõlt,
- körralik haridus ja opmisvõimalusõ',
- latsiga perre' hoiõt,
- perril võimaluisi ütenkuun vapa aigu müüdä saata.

Esi kogokunnapundi' omma' arvanu, et viil inämb härgütäsi kõiki latsi- ja nuurisõbralikkusõ hääs tüüd tegemä tuu, ku olõs teedä' ja kokko lepit, et taa siht kööt kokko esi eloharodõ inemiisi kogo elokaarõ aol. Tuuperäst olõmi kokko pandnu hää tahtõ kogokundligu kokkoleppe, miä näütas mi tahtmist kujonda' Võro liinast viil latsisõbraligumb liin ja kirjeldäs esi puntõ tegemiisi tuu tsihi hääs, midä kõik tegevä' ummi päämäidsi tegemiisi hulgan ja häast tahtöst.

ETTEVÕTJA' JA TÜÜANDJA' saava' ummi päämäidsi tegemiisi hulgan tetä' inämb ummi tüütajide ja näide perride hääs:

- tetä' suurõmbas puhkamise ja perrega kuunolõmisõ, sporditegemise ja kultuuriüritüsil käümise võimaluisi, märken läbi tüüao kokkoleppit ja kavvu;
- näüdädä' latsilõ ettevõtöt perrepäivi ja ütitside ettevõtmisi abiga;
- anda' umalt puult tukõ Võro kogokunna hääs sponsorlusõ ja häätegevüsega – tüüampsu' nuurilõ, oppust andva' tegemise' ütenkuun latsiaidu ja kuulõ, huvikuulõ ja nuurikeskusiga;
- pitä tähtsä latsiga perrit ku kimmit kundõsit, teten liinakeskkunda turvalidsõmbas.

HUVIHARIDUSÕ andjidõ – huvikooli', mittetulundusühendüse' – võimalusõ' omma':

- luvva' mõistligu hinna ja korgõ tasõmõga vaba ao tegemiisi võimaluisi latsilõ;
- körralda' liinan latsi- ja nuurisõbralikkõ põnõvit avalikkõ üritüisi, miä avitasõ' nuuril üles löüdä' tuu, miä näile miildüs ja midä nä oppi tahtva';
- luvva' latsi huvitegemiisi abiga võimaluisi ka vanõmbilõ vahtsidõ hobidõ, tervüsligu eloviie ja perre ütidse huvitegevüse mano joudmisõs;
- avita' üten turvalidsõ ja huulva õhkkunna luumisõlõ liinan, kon nuuriperätse' kotussõ' olõssi ökva ku huvipargi';
- otsi kuuntüüd töisi huvikuulõ, organisatsiuunõ ja asotuisiga huviharidusõ valikide laembas tegemises.

LATSÖVANÖMBA' ja PERRE' saava':

- anda' egä päiv aigu ummilõ latsilõ ja näüdädä' ette hindä üllenpidämise ja tegodõga, kuis pitä' luku ja tähele panda' tuud hääd, midä Võro liinan om;
- näüdädä' latsilõ turvalist, hoolitsedüt ja valgustõdut liinaruumi, kanda kuun latsiga huult kotussidõ iist kodo ümbre;
- tukõ' latsi kolin käümise ja opmisõ man ja anda' näile edenemist hoitva kodonõ keskkund, teten kuuntüüd latsiaia, kooli ja huviharidusõ pakjidõga, küssü julgõhõ api ja võtta tuu vasta, ku tuud vaia om;

- pruuki esisugutsit võimaluisi olla' vabal aol kuun latsiga kultuuri- ja spordiüritüsil;
- kõnõlda' üten kuulõ ja latsiaidu hoolõkogodõn, panda' tähele ja tulla' vahõlõ, et tukõ' latsi- ja nuurisõbralikku, elotervet ja huulvat õhkkunda liinan;
- hoita' köödüst põlvkundõ vahõl, vastuta' uma latsõ ja timä tegemiisi ja esihindä vanõmbamõistmiisi iist.

OPILASÕ' ja NOORÕ' saava' huuli umast kodoliinast ja seldsiliisist:

- hoitõn ja pandõn tähele tuud hääd, midä Võro liinan om – latsifestival ja tõsõ' ürituse' latsilõ ja nuurilõ, nuursuutüü ja nuuri vaba ao tegemise', liinaruumi edenemine;
- pandõn tähele kiusamist ja mitte sallit ütskõik määnest vägivalda;
- kõnõldõn läbi nuuri osaluskogo ja opilasesindüsi üten liina valitsõmisõn nuurilõ vajaligõn asjun;
- pandõn tähele kotussit, kon asja' saassi parõmbahe olla' ja kõnõldõn julgõhõ vällä arvamisõ tuu kottalõ, midä saassi tetä' parõmbahe vai töisildõ.

HARIDUS- JA NUURIASUTUSÕ' loova' kogokunna abiga ekämuudu turvalidsõ ja valikit tugõva keskkunna, kon latsõ' ja noorõ' edenese' nii, nigu näil om vaja, tuusjaos nä:

- pakva' latsisõbralikku ja edenemist tugõvat organisatsiooni-kultuuri uman asatusõn ja hääd eestikeelist haridust;
- kandva' huult ummi tüütajide ja nuuri oppajidõ körraligõ ammõdioskuisi ja pühändümise iist;
- tegevõ' perridega kuuntüüd latsi isikligu edenemise tugõmisõs;
- pruuksa' kuuntüüvõimaluisi ettevõttidõ, kogokunna mälo-asotuisiga ja umavaihõl.

VÖRO LIINNAVALITSUS härgütäas kõiki kogokunnapuntõ andma umma ossa näide tegemiisi vallan latsi- ja nuurisõbraligu keskkunna luumistõ, tuus:

- kaes ja uur muutuisi latsi- ja nuurisõbralikkusõ osan nii füüsildisen ku kultuurilidsõn liinaruumin ja kõgi puntõ võimaluisi anda' uma osa turvalidsõ õhkkunna luumistõ;
- tege parõmbas asju, midä om vaia latsi ja nuuri edenemises ja ots kõgõ võimaluisi liina eelarvest, haardõn tuu mano üten ka iistkönõlõjít nuuri hulgast;
- kitt Võro liina latsi- ja nuurisõbraligu keskkunna luumisõ ja kuuntüün üten avitanu inemiisi ja organisatsiuunõ;
- lepp kokko, mink perrä latsisõbralikkusõ valdkunna muutuisi hinnada', pand kokko tijjuhi latsisõbraligu ürituse kõrraldamisõs;
- jaga latsövanõmbilõ ja kogokunnalõ tiidmiisi ja teedüst nii koolituisi kottalõ ku avalikkõ teedüsürütüisi kõrraldadõn.

KÕIK PUNDI' KOGOKUNNAN omma' nõun, et:

- latsi- ja nuurisõbralikkus om kõgõpäält arvosaaminõ tuust, et lats om osa tuust perrest, kon tä kasus, tä om tähtsä kogokunnaliigõ ja et latsisõbralikkus käü läbi kõigist tegemiisist liinan;
- ku latsiga ökva vai kaudõ kokko putva' täuskasunu', ka vahtsõ' tulõja', tundva' hinnast Võrol häste ja turvalidsõlt, sõs tuu om kõgõ tähtsämb iinkujo latsilõ;
- vaia om inämb tähele panda' ja vällä tuvva' tuud, miä liinaelon ja -ruumin om latsi- ja perresõbralikku, määnest edenemist om nätä' ja määndsit võimaluisi liinaruum pakk;
- egä asotus ja organisatsiuun saa ummi päämäidsi tegemiisiga tetä' midägi liina latsi- ja nuurisõbralikkusõ hääs ja vastapite – liina latsi- ja nuurisõbralikkus saa häste möota' egä asotusõ vai organisatsiooni ello.